

# HARAPAN PM KEPADA KAMPUCHEA

**KUALA LUMPUR.** Selasa.— Malaysia hari ini menyatakan harapannya agar Kerajaan Campuran Kampuchea anti-Vietnam yang baru dibentuk akan berupaya dan berjaya 'memerdekan' negeranya dari penjajahan kuasa asing.

Perdana Menteri, Datuk Seri Dr. Mahathir Mohamad sewaktu meluahkan harapan khas itu juga berdoa agar Kerajaan Campuran itu berjaya dalam perjuangannya.

Beliau juga memberi jaminannya bahawa Malaysia akan memberikan sokongan penuh terhadap perjuangan Kerajaan Campuran itu. Bagaimanapun, corak

bantuan yang boleh diberikan oleh Malaysia kepada Kerajaan Campuran itu masih belum diketahui. Apa yang jelas, Malaysia tidak berniat untuk memberikan bantuan ketenteraan kepada kerajaan yang anti-Vietnam itu.

## Tandatangan

Perdana Menteri berkata demikian sewaktu dikunjungi oleh ketiga pemimpin puak yang anti-Vietnam yang baru selesai menandatangani perjanjian perijinan pertiybarhan perubahan Kerajaan Campuran Kampuchea, di pejabatnya di Bangunan Parlimen di sini.

Ketua Setiausaha Wilama Putra, Tan Sri Zakaria Ali memberitahu, Perdana Menteri juga

mengucapkan tahniah ke atas kejayaan kedua pemimpin itu dalam menubuhkan Kerajaan Campuran mereka yang diistifikan sebagai 'anak kunci' terhadap penyelesaian krisis Kampuchea.

Beliau berkata, dalam pertemuan 40 minit itu, ketiga pemimpin itu menjelaskan kepada Datuk Seri Dr. Mahathir mengenai kandungan perjanjian yang ditandatangani mereka.

Dalam Pertemuan itu, Presiden Kerajaan Campuran Demokratik Kampuchea, Putera Norodom Sihanouk meluahkan

sanjungannya kepada peranan yang dimainkan oleh Malaysia dalam mengistifikan kata sepakat di kalangan ketiga puak anti-Vietnam Kampuchea yang sebelum ini sering bertelag sesama sendiri.

Ketiga pemimpin itu juga berterima kasih ke atas kesediaan Malaysia untuk menjadikan Kuala Lumpur sebagai tempat mereka menandatangani perjanjian, kata Tan Sri Zakaria.

Turut hadir di pertemuan itu ialah Timbalan Perdana Menteri, Datuk Musa Hitam.



● DENGAN wajah riang ketiga-tiga pemimpin Kumpulan Penentang Vietnam di Kampechea mengunjungi Perdana Menteri, Datuk Seri Dr. Mahathir Mohamad di pejabatnya di Kuala Lumpur petang semalam.

Ini disebarkan sepuluh bulan lalu mereka saling tuduh menuduh antara satu sama lain, tetapi kini atas semangat ingin kemenangan,

Datuk Seri Dr. Mahathir (dua dari kiri) bersalam dengan Perdana Menteri baru Demokratik Kampuchea, Enk Sok Sann di samping Timbalan Perdana Menteri, Datuk Musa Hitam (kanan) pula diperkenalkan kepada Presiden Demokratik Kampuchea, Putera Norodom Sihanouk (di belakang Datuk Seri Dr. Mahathir) dan Naib Presiden, Enk Kheu Sampnon.

Perjanjian Kerajaan Campuran Demokratik Kampuchea tersebut dimeteraikan pada jam 2.30 petang semalam di Rumah Malaysia Jalan Ampang, Kuala Lumpur.

Bahan asal dari Arkib  
Negara Malaysia

No. Siri	2863
No. Penerimaan	608/85